



CENTRALE BANK VAN ARUBA

E 'BUSINESS PERCEPTION INDEX' A MEHORA DURANTE E SEGUNDO TRIMESTER DI 2020:


Comunicado di prensa²

Resultado pa e di segundo trimester di 2020

Banco Central di Aruba (BCA) recientemente a conclui e encuesta di percepcion di negoshi pa e segundo trimester di 2020. E encuesta di percepcion di negoshi ta evalua e percepcion economico y confiansa di e negoshinan local, como tambe e impacto causa pa e pandemia di COVID-19 riba condicionnan economico y actividadnan di negoshi.

E asina yama 'Business Percetion Index', cu ta consisti di e indicenan di condicionnan economico actual y condicionnan economico a corto plaso, a subi cu 1,8 punto di porcentahe te na 94,0 durante e segundo trimester di 2020. E 'Business Perception Index' total ta indica un mehoracion den e confiansa di negoshinan, desde e caida mas grandi registra den e ultimo trimester (Grafiek 1)³. E cambio den e confiansa di e negoshinan ta debi gran parti na mehoracion den e condicionnan economico a corto plaso, mientras cu Aruba ta move pa e normal nobo y a habri su frontera pa cu actividad turistico.

Grafiek 1: 'Business Perception Index'



Fuente: Banco Central di Aruba

E indice di condicionnan economico actual a baha cu 1,4 punto di porcentahe te na 92,5 compara cu 93,9 den e di promer trimester di 2020. E indice di condicionnan economico a corto plaso a registra un mehoracion di 5,6 punto di porcentahe, esta for di 90,8 den e di promer trimester di 2020 te na 96,4 den e segundo trimester di 2020 (Tabel 1). Den e siguiente 12 lunanan, e porcentahe di negoshinan den e encuesta cu ta premira un crecimiento economico negativo a keda pa gran parti negativo (86,8 por ciento).

² E version original na Ingles ta prevalece,

³ E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu negoshinan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di negoshinan

Pa local ta e impacto causa door di e pandemia COVID-19, BCA a amplia e encuesta di percepcion di negoshi, pa asina tambe evalua e impacto ariba benta di negoshinan, necesidad pa fondonan di emergencia y e resultado di e impacto economico.

Casi 50 por ciento di e negoshinan den e encuesta (49,5 por ciento) a indica cu COVID-19 a sigui impacta e benta di nan negoshi bastante, 4,2 punto di porcentahe menos compara cu 53,7 por ciento den e promer trimester. Mas cu 60 por ciento ta premira cu e impacto causa door di e pandemia COVID-19 lo dura mas cu 12 luna, cual ta 20 punto di porcentahe mas compara cu e promer trimester di 2020. Pa local ta e fondo di emergencia brinda door di Gobierno di Aruba, mas cu 40 por ciento di e negoshinan den e encuesta a aplica durante e di dos trimester, compara cu 32,6 por ciento cu tabata tin intencion di aplica pa e fondo di emergencia durante e promer trimester.

E informe completo di e encuesta di percepcion di negoshi ta disponibel riba website di BCA (<https://www.cbaruba.org/>).

Tabel 1: Encuesta percepcion di negoshi (Resultado general)

	Q2-2020		
	Mehoracion (%)	Ningun cambio (%)	Empeoramento (%)
A. Condicion economico actual	10,4	16,5	73,1
1. Condicion economico na Aruba	0,0	5,5	94,5
2. Actividad di bo negoshi	3,3	17,6	79,1
3. Inversion di bo negoshi	12,1	34,1	53,8
4. Cantidad di empleado cu ta traha pa bo negoshi	26,4	8,8	64,8
B. Condicion economico a corto plaso	17,6	45,1	37,4
1. Condicion economico na Aruba	23,1	18,7	58,2
2. Actividad di bo negoshi	27,5	44,0	28,6
3. Inversion di bo negoshi	13,2	58,2	28,6
4. Cantidad di empleado cu ta traha pa bo negoshi	6,6	59,3	34,1

Fuente: Banco Central di Aruba

Banco Central di Aruba

3 augustus 2020